

93. FITXA Diagnostikoak, berdintasun-planak, emakumeen aurkako indarkeria matxistaren arloko tokiko protokoloak eta berdintasunerako ordenantzak egiteko EAEko toki-erakundeentzako dirulaguntzak

Nori zuzendua: Euskal Autonomia Erkidegoko udalerriak, kuadrillak, mankomunitateak eta udalerri multzoak

Sarbide-esteka: [Euskal Autonomia Erkidegoko udalerri, kuadrilla eta mankomunitateei 2025eko ekitaldian dirulaguntzak emateko deialdia, diagnostikoak, prestaketa-lanak eta ebaluazioak egiteko behar den laguntza tekniko espezializatua emateko honako hauek prestatze aldera: “emakumeen eta gizonen berdintasunerako planak”, “berdintasunerako plan sektorialak eta/edo estrategikoak”, “emakumeen aurkako indarkeria matxistaren arloko tokiko protokoloak” eta “berdintasunerako ordenantzak”.](#)

Erreferentziazko araudia: [EBAZPENA, 2025eko otsailaren 18koa, Emakunde-Emakumearen Euskal Erakundearen zuzendariarena, Euskal Autonomia Erkidegoko udalerri, kuadrilla eta mankomunitateei 2025eko ekitaldian dirulaguntzak emateko oinarriak onartu eta deialdia egiten duena honako hauen diagnostikoak, prestaketa-lanak eta ebaluazioak egiteko behar den laguntza tekniko espezializatua emateko: «emakumeen eta gizonen berdintasunerako planak», «Berdintasunerako plan sektorialak edo estrategikoak», «emakumeen aurkako indarkeria matxistaren arloko tokiko protokoloak» eta «berdintasunerako ordenantzak».](#)

Eremuak: Berdintasuna

Zenbatekoa: 500.000 €

Eskabideak aurkezteko epea: 2025/04/01

Laburpena

Deialdiaren helburua, 2025eko ekitaldian, Euskal Autonomia Erkidegoko udalerri, kuadrilla eta mankomunitateei dirulaguntzak ematea da, honako hauen diagnostikoak, prestaketa-lanak eta ebaluazioak egiteko behar den laguntza tekniko espezializatua izan dezaten: **«emakumeen eta gizonen berdintasunerako planak», «berdintasunerako plan sektorialak eta/edo estrategikoak», «emakumeen aurkako indarkeria matxistaren arloko tokiko protokoloak» eta «berdintasunerako ordenantzak».**

Diruz lagundu daitezkeen jarduerak

Laguntza tekniko espezializatuak sortutako gastuak ordaintzeko erabili behar dira dirulaguntzak. Laguntza tekniko espezializatu hori, hain zuzen, EAEn indarrean dagoen Emakumeen eta Gizonen Berdintasunerako Plana garatuz, emakumeen eta gizonen egoeraren **diagnostikoak** toki-eremuan egiteko edo **berdintasun-planak** prestatu eta ebaluatzeko izango da.

Jarduera horretan sartzen dira **diagnostiko eta plan orokorrak** egitea (udal-jardueraren zati handiena hartzen dutenak) eta **diagnostikoak eta plan sektorialak eta/edo estrategikoak egitea, indarkeriaren biktima diren emakumeak artatzeko protokoloak** barne direla, bai eta horiei dagozkien ebaluazioak eta emakumeen eta gizonen berdintasunerako **ordenantzak** egitea ere.

Deialdi honen helburua ez da planetan aurreikusitako ekintzen betearazpena diruz laguntzea, ez eta horretarako behar den laguntza tekniko espezializatu ematea ere.

Diruz lagun daitezkeen gastuak:

Diagnostikoa egiteko edo berdintasun-plana prestatu eta ebaluatzeko behar den **laguntza tekniko espezializatuak** eragindako gastuak ordaindu ahal izango dira laguntzen bidez. Zehazki, gastu hauek onartuko dira:

- **Langileen gastuak**, udalerrri, udalerrri multzo, kuadrilla edo mankomunitateko berdintasun-teknikariaren kontratua luzatzeagatiko gastuak edo lan-proiektua bakarrik egiteko aldi baterako berdintasun-teknikariak zuzenean kontratatzeagatiko gastuak.
- **Laguntza tekniko espezializaturako** kontratatutako langileen eta aholkularitza-enpresen **gastuak**.
- Aparteko zailtasunak dituzten pertsonen edo askotariko bereizkeria jasaten dutenek lan-prozesuan parte hartzeko dituzten oztopoak ezabatzeko **neurri osagarriek sortutako gastuak**.

Gastuetarako aldi hautagarria

2025eko urtarrilaren 1etik abenduaren 16ra.

Laguntzen zenbatekoa

Dirulaguntza eskatzen den jardueretarako onartutako aurrekontuaren **% 75** izango da dirulaguntzaren zenbatekoa **7.000 biztanletik gora dituzten udalen** kasuan, eta **% 90** izango da **7.000 biztanletik behera dituzten udalen** kasuan, **baita kuadrillen, mankomunitateen edo udalerrri multzoen kasuan ere** (udalerrri multzoetan, udalerriek 7.000 biztanletik beherakoak izan behar dute).

Proiektu bakoitzeko **15.000 euro** emango zaizkie gehienez 7.000 biztanletik behera dituztenen udalei, proiektua bakarka aurkeztuta, eta **7.500 euro** 7.000 biztanletik gora dituztenen udalei, eta **30.000 euro**, kuadrillei, mankomunitateei edo udalerrri multzoei (udalerrri multzoetan, udalerriek 7.000 biztanletik beherakoak izan behar dute). Aurrekontua osorik esleitu gabe geldituz gero, proportzionalki banatuko da soberako zenbateko hori 7.000 biztanletik gorako udalerrien artean, proiektu bakoitzeko gehienez 15.000 eurora iritsi arte.

Intereseko beste alderdi batzuk

Onuradunek bete beharreko eskakizunen artean egongo da emakumeen eta gizonen arteko berdintasunaren arloan jorratutako ibilbidea egiaztatzea edo berdintasunaren sustapena jasota izatea

estatutuetako helburuetan, xede sozialean eta sorrerako helburuan, edo diruz lagundutako proiektua edo jarduera gauzatuko duten pertsonen emakumeen eta gizonen berdintasunaren arloko prestakuntza espezifikoa izatea, halaxe agintzen baitu 1/2023 Legegintzako Dekretuak 23.3.a) artikuluan (1/2023 Legegintzako Dekretua, martxoaren 16koa, Emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena).